

A Monthly Christian Magazine

AN ORGAN OF THE ZOU PRESBYTERIAN CHURCH SYNOD



Khristian Tangkou

Vol. 53 || No. 3

March, 2017



ZPYF DIAMOND JUBILEE 2017

ZOU LAI SIENGTHOU KHUT A KIGELSUOHITE



Editor: Rev. Stephen Chinzathang

Synod Kumpuon: “Ga ding a tel ihi” (John. 15:16)

Kchristian Tangkou

Vol. No. 53 || Issue No. 3 || March, 2017

Editorial Board

Editor : Rev. Stephen Chinzathang
- 9863042789
ct_stephen@yahoo.com

Joint Editor : Rev. Khamchinkhai - 8730933744

Cir. Manager : Upa Jamsianmung - 9862086615
sianmung@rediffmail.com

Bus. Manager : Kamgenpau - 8974612937
Sye T. Ginzahau - 8974438842

Cont. Editors : Upa S. K. Khama - 9856406454
Rev. Awnkhankhup - 9862828921
Rev. M. G. Nehlien - 09535042257
Rev. Kaimuanlal - 9862923960

ZOU SYNOD ULIENTE

- **Moderator:**
Rev. Mansuanthang
- **Moderator Elect:**
Rev. Awnkhankhup
- **Secretary (Sr):**
Upa Sianzahau
- **Secretary (Jr):**
Upa Thangchinmang
- **Treasurer:**
Upa Chinsuanthang
- **Statistician:**
Upa S. Nangkhanlal
- **Executive Secretaries:**
Rev. Stephen Chinzathang
Rev. Khamchinkhai

Copies - 1100

AMAN

Kumkhat ah	- ₹	100.00
Post ah	- ₹	200.00
Copy khat ah	- ₹	10.00
Life Member Fee	- ₹	1,000.00
Patron Member Fee	- ₹	2,000.00
Memorial gift	- ₹	2,000.00

A sung thu

- Editorial..... 01
- Thu tuomtuom 02
- I neh a i silleh lungkim vai 06
- Pasian kung a kipah thu gen..... 10
- Lawsap dan leh Lawchin dan..... 14
- Pastor khutdaw..... 15
- Sabiltung..... 17
- Dohna leh dawnna 18
- Hompatik Damdawi 20
- Kchristian hinkhuo a kipiehna..... 21
- Dihtatna man pieh angai..... 22
- ZPWF Column 24

Thusuo zosie Editor leh Zou Synod ngaidan ahi kimsih a, a suotute'n maw a kipuoh chiet ding uhi.

Thusuo dingte Editor kung a pieh ding ahi.

Editorial

*K*um 2017 mel mu a um in Mangpa Pasian bangkim bawlhei tung ah kipah thu i gen uhi. Synod vahawm 5th December 2016 in a kizouta hi. Tuachiin Synod vahawm nu leh pate deisah na toh 31st January 2017 ni in Zou Synod ah Executive Secretary tha nite (1) Rev. Stephen Chinzathang Senior Executive Secretary leh (2) Rev. Khamchinkhai ten a mawpuoh na teh uh ahing lah tah ziehun Pasian kung ah kipah thu tut vau.

Tukum 2017 Session in Synod kum puon ding in “*Ga ding a tel ihi*” Jn. 15:16 chi thei chiet va ui. Tami toh kisai in Hattuom chin leh mimal chinten tami Synod kum puon te ahithei tan a theichieng ding leh zopsawm chiet ding in i ki ngen uhi.

Khawvel a teng nalai gingtute i hi ziehun akoi a koizong Synod leh mimal i et chieng un Pasian gam nasepna leh Pasian tate bang in lunggel in zui sawm chiet lei ahoi ding hi.

Mangpa hoi natoh malam nawh a Pasian gam nasep na kal kisuon ahia, mimal leh lawm leh guolte kung a mihing nasem a ki hisih hi. Tuajiehin eima leh Pasian kikal a Mangpa Hoina tahlang zou ding in semchiet vai. Mangpa Hoina khu “*Ga ding a tel ihi*” Jn. 15:16 in ahing hil mabang in pan la chiet va ui. Mangpa Hoi na khu nangma ah suhlat som in bangah isulang thei diei Na Khristian hindan Pasian din Mangpa na Pasian khu nalungsim zousie, na hagau zousie, tualeh na hatna zousie toh na it ding ahi. Mk. 12:30 a zui nahi nai.

Tam khovel a sil zousie pen zingkal a hampa hing pah nitah chieng a vul bang mai ahibou hi. Khovel ah kinepna ding a um sih, mihing mit a ahoipen, afel pen a man tampen zong bangma ahi sih, tuate sang in

Hagau gate Gal. 5:22 Hagau gate ahileh itna, **kipahna, lungmuonna, thuohhatna, zainemna, hoina, ginumna** Ch. 23: Thunuoilutna, kidehtheina, ahi tambangte toh kikal dan a um sih chia, Laisiengthou in ahing hil bang in kum 2017 Pasian toh pangkhawm in pan latha ding in kisa chiet ni uh.

Tualeh pawlpi sung ah kizilsahna leh Siempina sepnate ah gingtute ahi thei tan a eima chiet khantouna theina ding toh Mangpa tawisang na ding a, pangkhawm a pan latha ding in ikingen un i kichel sawnsawn uhi.

Mangpa'n simtu zousie na umna chiet uah hing umpi in, hing veng in nang leh na innsung mite hing guoljawl tahan. Mangpa hoina domsang vai.



Thu tuomtuom leh Thumpi dingte

1. ZPYF Annual Conference Cum Diamond Jubilee - 2017: Apeisa January 27-30 sung dai in ZPCS etkawlna nuoi a Zou Presbyterian Youth Fellowship (ZPYF) Annual Conference Cum Diamond Jubilee a kum 60 tan Mangpa'n ang puitung na chiemtena leh Ama thupina piehna toh nuomtah leh lawching tah in kizang zouta Amun ZPCS Campus Zomi Colony, Speaker: Rev. Awnkhankhup. Thupi: "Khanglai Mangpa lungdamna" Kisimna bu 14:8.

2. Ph. D. Mutha: Lungdampina: Local paper a imu bang un unaupa Christopher P. Thongkhanthang s/o (L) Hauchinthang of P. Kamdouveng a um in Jawahalal University New Delhi ah. Doctor of Philosophy (Ph.D) Degree pieh in um hi. Ama tam i Kchristian Tangkou tungtawn in i lungdampi mama uhi. Hun peisa leh tuni tan in aumna phot ah i pawlpi ngaina a pang tinten pa zong ahi. Tuleh tu in Delhi a i Hattuom ah Local Secretary zong ahi.
3. ZPWF Kumsim Khawmp: Pasian hoina leh mapuina kilam-en kawm in angtung ding March 17-19 sung dai in Presbyterian Church ah a (7) veina Kumsim khawmp um ding ahia, lawhtah leh lawchingtaha zah ahitheina ding in Hattuom leh mimal chin in thumna toh bawzui chiet vaui. Thupi: “Mangpa Pasian aw kei koi ka hiei” (I Khangthute 17:16).
4. Mission Conferencne: Pasian hoina leh mapuina tangtou zel in apeisa February 10-12, 2017 sung dai in a 11 veina Mission Khawmp Presbyterian Church Tuibuang ah nuomtah leh lawching tahn kijang zouta. Thupi “Saltangte suotatna” Luke 4:18. Tam khawmp hun ah Gammie nnasepna lam ki uongbawl mama in, apini sun bieh kikhop hun ah Speaker Rev. Awnkhankhup in Pasian thutah genna leh Missionary nnasepna ding in Challange toh thuo hi. Tuaban ah ahun tamzawte Pasian gam nasepna ding a nazang zouta Evan. Kapsuonthang leh Evan. Goukhoginte Zou Synod ah 13 vei Vaihawmna thuphasah umsa bangin Pension hahkhetna zong um hi.
5. Lungdam thu genna: Pasian hoina leh mapuina tangtou zel in ZPCS nuoia Zou Presbyterian Women Fellowship te organise na in kum bangtan ahei Pasian nnasepna bang a ngai in TAGA nu leh pa nei nonloute kepna leh etkawlna in Tunnu Liimb (Orphanage home) peitou lel lel hi. Tukum tan a kitheipha dan

in naupang (22) bang pha tahi. Amauh teng lah ah Home based in mi 5 bang pha hi. Amauhte ann neh, tuidawn, sil leh teen mai itup leh ngim ahi sih a, siem sinna lam a zong dopkang ding chi ahi. Kumpeisa huna silbangkim a ana phung vuotute kung ah i pawlpi min in lungdamthu igen ua, Tualeh Siemzilna lam a Pasian nnasepna pipen banga hing na chawmsah tu Chinkham Modern High School Principal Pu Jamkholian Munluo tung ah zong lungdam thu igen sawnsawn uhi.

6. ZPYF Column: ZPYF Diamond Jubilee Cum Annual Conference hun a Nuamman (Prize) mute- 2017
 1. Bible Action: 1st V. Bethel PYF, 2nd Zomi Colony PYF
 2. Lapawlp: 1st Lailamveng PYF, 2nd Zomi Colony PYF
 3. Light Choir: 1st Singngat PYF, 2nd Delhi PYF
 4. Skirt: 1st Zomi Colony PYF, 2nd Lailamveng PYF

5. Marathon Race (Pasal)

1st Tv. Lienmuonsang, Kanaan Veng, 2nd Tv. Mungkhankhuol, Kanaan Veng

Marathon Race (Numei)

1st Nh. Tinneichong, Sabual, 2nd Nh. Manbiehkim, Tangpijol

7. Thumsahna: Pasian hoina leh mapuina kilamen kawm in i pawlpi leh i mi nam sung a Manipur Board nuoi a Class-X leh XII exam peding a kisa khol i Khanglaite adin Hattuom leh mimal chin in ilup ithaw in thumna toh ana pang chiet vau.
8. Kumtha a ding ihina uh toh kiton in Hattuom china sawm-a-khat leh silpieh dangdang a panla tute adin damtheina, lamzanna leh gin umnate netpieh vau.
9. I pawlpi etkawlna nuoi a Mission School i neite leh a semtu Sangsyete leh Sangnaupangte din zong tat lou in thu nget pieh vau.

10. Mission Conference zang zou phet ihina utoh kiton in eite tang a Gammiel a TANCHINPHA gen ding a Pasian hatna (calling) tanga ana kuonkhete a ding in bang hun ah zong ana thum zing vaui. Tuamai hilou i unpi un Missionary a ding in ikuonkhe thei mohsih ua, thumna leh silpieh ah bang hun ah zong i pang thei uhi.
11. Thumsahna: Tukum i pawlpi sunga Pastor hina nnasemte General Transfer kum ahina toh anai, agamla, anuom, ahamsa chi thu umlou in eima kipiehna leh Pasian hing hatnate theikawm in i post mun chiet uah tahsa leh hagau a gasuo ngei ding in iki theisah uhi. A nna isepsah Pa Pasian lungkimna khop leh i umna biel ten i nasep akhietla khop din pang chiet vaui. I khawmpи pen a moh a kikhen mai hilou in Pasian nna sem dinga kikhen i hi lam manghil sih vaui: I nasep pen bang na e?
12. I pawlpi sung huop a i ki thuzantuona um sun Khristian Tangkou latute (Subscribers) leh hachin a article Contribute hing bawlsahte leh deisahna toh ang phungvuo sahtute (Patron and Life membership a hing pangsah tute kung ah lungdam thu igen uhi. Maban hun ah zong apang utte a dingin kot hon zong ahi. Kinoh meng in!
13. Zou Synod Year Planner umsa bang in Nipoimaw i nei a nuomthei bang leh a lawh theipen a thumkawm a zang din kisa kholchiet vaui.
 1. Palm Sunday - April 09, 2017
 2. Good Friday - April 14, 2017
 3. Easter Sunday - April 16, 2017

Sermon

I NEH A ISIL LEH LUNGKIM VAI

(I Timothi 6:8)

- *Upa Khupsuankham*

PAUL in, Asia gam a tangval Timothi anu Judami apa Greek mi kung ah, “nehding ann leh silding puon inei pouleh ei a dingin ahunta hi”, chia alai thot tungtawn in saulou houlim vai. India gama kitelna (election) hun chiengin Candidate zousien anei uleh agou neite uh, Car/Motor, inn leh lou, sum leh pai leh a dang dangte gelkhie in election commission kung ah apelut zel uhi. Candidate khenkhat khu apu apa ua pata haus a mongte ahi ua, khenkhat sum leh pai nehguhдан athei jieh ua, mitmu a hing haus a ahi uhi. Candidate khenkhatte tanchin etton tah a katheite tam anuoia bangin ka hing tahlang hi.

1. Dr. Manmohan Singh: India Prime Minister lui khu mi taga khat ahia, Guwahati ah inn (flat) bedroom thum 38HK anei a, Maruti Car (Model) khu a Car neisun ahi. Bank ah zong sum tampi koizoulou hi. Reserve Bank of India (RBI) ah Governor ana tukha ngai hi. A ginumdan ka ngaisut leh Khristian dingin etla ahuoi hi. Mi khenkhatte MLA/MP angkai ua, tomlou kalin Car mantam, innmunte leh inn thupi tahtahte ahing nei khe zungzung uhi. Tamte lah a

Khristiante zong apangkha leng uhi. I Prime Minister pu uh pen tuabang hilou in ginum tah a nasem ahia, I Bible tang tel uh, neh ding ann leh silding puon inei uleh lungkim vai, chi bang a lungkim thei jiehin etton tahin kasep hi.

2. Pranab Mukherjee: Kum 40 val Minister leh panmun tuomtuom ana tu kha ngai, India a politiciante lah a zong a zatathuoi khat ahi. A Car neisun khu Ford Icon lui khat ahi giap hi. Tualeh inn

thupi zong neilou, atapa MLA ahia, sum nehguhdan siem khollou ahi ding a, haus a sih uhi. Ama khu Khristian politician tampite sangin gingtu dingin a dei huoi zaw a, hinanleh gingtu bang hing hitaleh a Pasian thugen khu i ngainuom na di uoi? Ama khu dihloutah a sum leh pai nemi ahilou dan imu ua, aneh a asil leh lungkim tah a umthei mikhat ahia, etton aching hi.

3. Mamta Banerjee: Nungah kuul (Didi) numei gum politiciante lah a zong a ginhuoi vawt, ama phazou koima umsenglou, nin ahuoi na hun zong um zel hi. Ahivang in migentheite akhotuo dan i ngaisut leh ei Khristiante phah ding guol ahisih hi. Amite ding leh agama dingin itna toh nna asem hi. Tamnu khu Khristian hingsuoh leh kiphattuompi dingin ka gingta a, West Bengal gam bangah Biehinn kilam zungzung dingin ka gingta hi. Ei Hattuom lamkaiten tammi nu bang in itna toh mipi it in gam ngaina ulei a uthuoi hi. Tam

ahitheina dingin neh leh sil a ilungkim thei uh ngai hi.

4. Manik Sarkar: Tripura a Chief Minister term 2(ni) ana kai a, India politiciante lah a bangma neilou a azawngpente lah a khat ahi. Inn leh lou gina zong nei zoulou, Scooter nasan neizou lou khat ahi. Aji sangsyé nasem ahia, a pasal law sang a amanu law a innsung kepna leh bangkim a aji law a kineppi a khosami ahia. Ajiehpens a dihtat jiehin muna ding kilawmlou a, a gamtat utlou jieh ahi. Ama khu Khristian hing suoh in, a gam leh a dihtatna sui masa un, chia thupi a mangin sermon bawl leh angai nop huoi ding dan Tripura gam miten ama khu akineppi mama ua, ken zong aki sahkhomisahte sang in ka ngaisang zaw hi. Khristian hing suoh henlen hileh Tripura gam a Missionary sawlbeh ngailou ding khop in ka mu hi. A ginumna khu ei gingtuten kineitheti tamai lelaw! A dihtat jieh in Tripura a corruption suhbei na dingin pan ala ngam hi.

Ei Khristiante khu corruption abeina ding a pan ilah ngam ding uh ahi, chi ang theisah hi. Tua khu ineh a i sil pou uleh, ilungkim uh ngai hi.

5. A.K. Anthony: Kerala a politician lam a ginum, Chief Minister ana hi ngaisa, sum leh pai anehguh lam kitheilou hi. Anthony nu khu India Today ten interview abawlna uah “Ka tapa politics a alut jiehin kagenthei law leng ua, Sangsyé behin na pang kha leh hoi ding ahia, ana chi hiel hi. “Gutasin chi leh engsin” chi thupi a mangin thugen leh dihlou tah a sum leh pai mu a pulpit tum gingte sangin athugen atahsan huoi zawtham ding hi.

Khristian tamna state Mizoram, Nagaland, Meghalaya leh Manipur ahia, corruption sanna pen zong ahi. A doudal ding zong ei gingtute mama ihi uhi. Hinanleh ei Khristian tamna State te khu guta in guta man leh koi e athukhen ding chi toh kibang hi.

6. Pu Thangkhanlal: MLA 4

vei ana kai a politics leh sakhuo lama huptuom, paituom neilou lamkai khat ahi. Zouveng ah inn khat anei a, kari zong anei hi. Mipi deisahna toh election kai zel ding, mipi kung a sum leh pai lahlou ding khu asiltup ahi. Sum leh pai dihlou tah a aneh utlou jiehin inn leh lou gina zong nei zoulou in Meitei MLA te'n MLA mawpa achi hiel uhi. UZO Presiden in kum 25 (Silver Jubilee) tan na puo hi. MDC muna ding ah founder Secretary a nahi hi. Ama khu lungpi kuo alien, ameng, ateh, akhang toh kihou thei bangkim thuoh dan siema puo lamkai khat ahi. Bible in lungnemte khu ahampha uh, achi banga hinkhuo mang lamkai khat ahia, tutan dam nalai leh maw....!

Aizawl YMA khawmpni khat a thugen khat in nehguh tahguh (corruption) nehguh tahguh manding a, India a “Anna Hazare” te hat ding ichi uh? Khristiante khu “Anna Hazare” te sanga zouhuoi zaw ihi uhi, achi hi.

Shi ngama nehguh tahguh (corruption) doudal dingte khu Khristiante ihi uhi, chin hangsan tahan agen a, mipiten akhut uh abeng ua, akhutbeh uh hawmthaw in atouna ua pat dingkhie in “Anna Hazare” te hat nonlou in panla va ui achi ua, ahan nawnsih uhi.

MLA/MP Candidate khenkhat i gente khu Khristian ahisih ua, ei gingtute sangin a dihtat un a ginum ua, muna dihlou a bangma lalou in a neh in asil ua lungkim in a umthei uhi. Thupilte 30:8 na isim leh kumpi Solomon in, “Zou ei gensah sinlen, tuajiehin neh ding ann ka tulmaw bou hing pie in” achi thu imu uhi.

Tulai Pasian thugente leh laigelmi ten nehguh tahguh a kigol politiciante, public leaderte hangsan tah in a phuong ngamta uhi. Solkal lam a “Anna Hazare” leh akai zatamte ang kipat doh hun ah tu leh kum sawtpi apata na negute matkhiet in ang um ding hi. Minister lui Lalu Prasad Yadav nangawn suohtalou hi. Solkal in mansih nanleh Pasian masanga ding thou thou ding uhi. (Heb. 9:27). Nehguhna panglou a, sie leh pha theina a siemlou tanna neiloute khu mihausa ahi uhi. Tuajiehin, i neh a isil pou uleh lungkim ding i kichiel uhi.

SUHDIHNA

Tangkou Jan-Feb, 2017 issue a

- (i) (L) Rev. Dr. Lianchinkhup Suunna a kigel a Zou Holy Bible hongtu Mr. Herol Ekurtz kichi pen BSI Houtute/Lamkaite chi ding hi zaw.
 - (ii) Jan-Feb, 2017 issue a Editorial Column a Mizoram Synod ten 5th Pay Commission huna Collection pumpi a amuh 166 Crores kichipen 66 crores chi ding hizaw.
 - (iii) Imphal District a Sepguol tuohkhawm - 2016 a kimanghil kha Rs. 23066
-

PASIAN KUNGA KIPAHTHU GEN

Text: Psalm 100:1-5

- Pro. Pastor Stephen Khupsianlal

Kumlui 2016 sung akhun ihinkhuo uah sil tuom-tuom ituoh chiet ding uhi. Hamsatna gensenglou tuohte zong ium ding ua, innsung a shina tuohte zong ium uhi. Hitananleh tu in vang Pasian in kum tha ah ahing pui galkai ta a, ihinkhuo ahing suhsau pieh ziehin ikipah mama ua, Pasian kungah chitahna toh nuomthu igen uh poimaw hi. Ama khu hamsatna kal azong hepina toh hing puitu, eite dinga ‘bangkim a bangkim’ Pasian khu ahi.

Pasian in hattuom loupitah ahing pie ua, tuanah innkuon chin itel ua, Pasian hattuom loupi tah a itel theizieh un Pasian pahtawi vai in, akungah kipahthu nasatah in igen ding uh ahi. Hattuom huong sungah innkuon tuomtuom ium khawm ua, mizie leh dei dan sil ah kibanglou tahtah te zong ihithei ua, tuabang kal a huongsung khat a um a hattuom a lungkituoh tah a Pasian nna isepkhawm thei zieh un Pasian kungah nuomthu igen kia ding uhi.

Jesu’n khovel anuasie ding kuon a athupieh nukhieh pen khu ama a dinga ‘theipitu’/ ‘witness’ hi a Khantan Hoi hilding khu ahi. Mun dangah Khantan Hoi phuongzah dinga kalsuon theilou

hinanlei zong, hattuom mite’n local ah theitawp isuo ua, tuabang kal ah Pasian a dingin ‘suoh felzou lou’ ihi zing dan uh imang hil sih uhi. Hitananleh, ama a dinga semthei a hing siemtu leh ama a dinga semthei dinga hingphal sah tu Pasian thupi kungah kipahthu igen ding uhi. Tam kum tha kipahhuoi tah akhun ama a dinga sem thei zel dingin Pasian in hingmapui zel hen.

Psalm 100 na khu Psalm lah azong aminthang deu pawl/ atallang deu ahi. A thu ahoi a, genzong anuom ahi. Psalm 100 na khu misiem khenkhat khun leeng toupha a tou Pasian pahtawina (Enthronement Psalm) hiin gen uhi. La gui (hymn) ahi

a, temple zotna lampi peisung in mipite'n ana kikoupi zel uhi. Chang 1-3 khu temple lam zuon a peipan ten gen ua, chang 4-5 zangin temple huong sung lam a umten ana dawng uh hi in kigen hi. Tam la in atuppen khu Pasian kungah nuomthu tutna ahi.

Ham tuomtuom khun umzie anei chiet a, zong ahausa hi. Gentena'n., "Ka tahsa na chiei chuoi" chi a "chiae chuoi" chi khu midang ham ah va um khellou ding hi. Tuabangma in Hebru ham in hamzahdan ah umzie hoitah anei ahi. Psalm 100 na azong khun a phuohtu in agen uong utpen khu mihingin Pasian kunga abawl ding lawm khu ahi. English Bible akhun Hebru Bible bangin mihing bawlding sil khu gen masat ahizel hi (cf. shout, serve, come, know) Psalm 100 phuotu gen uong utte khu "Kikoun; Nna sem unlen; Hing pei un; Thei un; Lut unlen; Phat un; Kipahthu gen un" chi te ahi hi.

MI ZOUSIE IN PAHTAWI DING (v. 1)

"Gam zousiete aw" chi khu Hebru ham akhun 'lei zousiete aw' china ahi a, akawh pen

khu Israelte ahi. MANGPA khu bangkim leeng ahi a, mizousie in apahtawi ding aphut ahi. Israel te khu Pasian nam tel ahi ua, khovel mipite ai-awh a MANGPA phat ding chi ahi. Tuin vang eite khu Jesu Khrist nasep zieh a Israel tha ihing hita ua, Israelten eite thakhel a Pasian aphat uh angai nawn sih a, eite mama in Pasian khu ipahtawi ding uh ahita zaw hi. Khovel mizousieten kum 2017 akhun nasa zaw sem in Pasian pahtawi thei in, midangten ahing pahtawi pieh ding ua geellou in mahni ngeuin Pasian ipatawi uh poimaw hi!

NASEP KHU PAHTAWINA AHI (v.2)

Pasian nasep khu ama pahtawina ahi. Joshua in, "Kei leh ka innkuon ten vang Mangpa nna ka sem ding uhi," achi ahi (Joshua 24:15). Pasian bie a biehinn a ikikhop u'khu Pasian pahtawina leh a nna sepna ahi a, tuaziehin kikhop taimat ding ahi. Pasian nna khu kipahtah a sepding ahikia a, kipahtah a Pasian nna sepna ding akhun ilunggel u'zong adih ngai ahi. "Nasep" chi khu athunuoi a kuun, asuoh a pang china ahizieh in Pasian suoh ihi

uh chi theizing kawmin a nna isep ding uh ahi. Suohten apute nna asem ua, ngaituona hoitah toh nna asep u'leh amau a dingin anuom mai ahi. Eiten zong kipah thanuom tahan Pasian nna isep ding uh ahi.

BIEH INN A PEI DING (v. 2b)
Pasian khu munchin a um hinanleh, ama gingtuten ibieh nading uh mun biih siem ahi a, tuakhu biehinn ahi. Biehinn akhun Pasian ateeng a, tuanah khun ama pawldinga ikuon ding uh ahi. Biehinn akhun kipawlkhawm in ama pahtawi in itawisang ding uh ahi. Biehinn a kikhopna khu ngai poimaw ahoi hi. Tulai in nasep in azillou ziehin kikhawm theilou zong aum maithei, atamzawte vangkhun tupna nei pou u'lei ikikhawm man mama ua ,kumlui sangin biehinn ah peikhawm a pahtawi dingin pawnthaw va ui! Pasian masang a kalsuon khu sil lawhtah ahi.

MANGPA KHU PASIAN AHI
'MANGPA' chi khu Hebru akhun YWHW (Yahweh-Jehoa) chi ahi a, Israelte Pasian min biih, eiten zong Pasian a inei u'khu ahi. Ama bou khu Pasian ahi a, pasien

dang mawngmawng aum sih ahi. pasien dang mawngmawng aumlou thu khu Isai II (40-55) ah hoitah in gen ahi (cf. Is 43.3,11; 44.6,8; 45.5,6, etc). 'Pasien dang' achite u'khu aum tahtah sih ua, abetute ngaituona/suongtuohna tungtawn a siemtawm, alim/alem siemthute ahizaw! Mangpa khu ibieh ding pen khu ahia, pasien dang nei khu sildihlou ahi. Tulai khovel ah sana dangka, sum leh pai, khovel lamkai liente pasien a nei atam ta hi, eiten vang tuate khu pasien in neisih va ui. Mangpa bou khu I Pasian uh ahingal a.

AMA KHU AHING SIEMTU AHI

Mangpa khu khovel leh asung a sil um zousie leh eite hing siemtu ahi. 'Pasien dang' achite uh siem ihisih uhi. Ahing tungdingtu khu Pasian ahi a, ama bou khu ipahtawi ding u'leh itawisang ding khu ahi. "Ama a ihi ua" chi khu Hebru ham zahdan et in "eimau kisiem tawm ihisih uh" china ahi. Tuakhun mahni ummai hilouin Pasian siem ihidan uh agenchien mama a, siemtu neilou, hing mawh umkhiet mai banga ngaituona khun Pasian

nuolna atunzel ahi. Eite vangku tuabang mite lah ah ipang sih uhi. Pasian siem chi theichientu, ama pahtawi loungal bawlding dang ineisih chi theitute ihi uhi. Ama khu tawisang zel va ui.

PASIAN BELAMTE IHI UHI (v. 3c)

Israel gam khu belam khawi nasatna gam ahiziehin belampu leh belam khu Pasian leh amite gentena a zah aching uhi. Psalm phuohtu inzong mihingte khu Pasian belam bangin agen ahi. Pasian khu belampu zousie lah a ahoipen a (cf. Ezk 34); a belamte angaisah a, damlou deute aduot a, atuomdam zel ahi. Kum tha 2017 akhun belam mang, kipawlkhawmna a pangloute lah a umlou in, huongsung, hattuom ah-Pasian mite lah ah telzel va ui. Huongsunga etkol a umku anuom tuom ahi!

PASIAN KHU PHAT DING AHI (v. 4)

Bieh inn a ikikhopte khu chitah tah a ngaituona dihtah pua a Pasian ibieh uh poimaw hi. Akunga nuomthu igen ding ua, amin iphat ding uhi. Hebrute khun ‘min’ pen aneitu kawh bangin ngai ua, ‘a min phat’ chi umzie zong Pasian

phat china thou ahi. Judaten tuin YHWH khu haShem (the Name-Min khu) chiin alam zel uhi. Biehinn a Pasian bedinga kuon khu phatding lunggel pua a kuon in, phatding lunggel neikawm a lut in, kikhop sungtengin sildang ngaituo louin phatna lungtang pua a umding ahi. Ama phat ding chilou ngaituona dangnei asiengsih ahi!

PASIAN HOI LEH GINUM

Mangpa (YHWH) khu Pasian hoi leh ginum ahi. Tanglai Greek leh Rom lamkaiten pasien chi tuomtuom anei uhi; ‘lungthahna pasien’ zong neidan uh ahi. Eite Pasian vangku Pasian hoi leh ginum ahi a, tambang Pasian ibieh ziehun ikipah ding uhi. Aginumna khu tawpni neilou a, kumtawn dai ahi. Eiten midangte tungah iginumna un tawphun neithei hi. Pasian ginumna vangku kumtawm kumtawn a ding ahi. Tuabang tah a Pasian hoi khu iPasian uh ahi a, ama khu itawisang ding uh ahi. Ama chilou gintat dangleh bieh dang neilou a ibieh ding uh ahi.

Simtute Mangpa’n hing guolzawl hen.

LAMKAI LAWPSAPDAN

Leh

LAWCHINDAN SIEM

- Pastor Goukhansiam Guite

Lamkaitu in ahinkhuo lungkhamna leh hahsatna tuomtuom atuoh apoimaw mama ana um hi. Aziehpen apilte dinmun kibanglou ngentang mipil leh pillow, mifel leh fellow, mi dihtat leh dihtat lou, ahau, a zawng, alien, abai mizie leh lungput kibanglou ngentang puikhawm veh ahi man in hahsatna atuohte apil mite lah ah avanzat dia poimaw um hi. Khum ziehin lamkai in lawsapna leh lawchinna atuoh hun in lawsap dan leh lawchindan a siem kuul hi. Kipah hun a zong kipah dan siem lungkham hun a zong a hun zil a thuoh dan siem guollel dan siem a guolzawhdan tanpha a siem poimaw mama hi. Lamkai ichipen mipiten tehna chiengtoh hing teh detdet ahi man un.

HUN MANPHATDAN (Ruth Massenger - 2016)

- Kumkhat manphatdan nathei nuom leh Student exam a failte dong in.
 - Hakhat manphatdan na thei nuom leh hachinglou a nau neite dong in.
 - Kaal khat man phatdan na thei nuom leh News Editor te dong in.
 - Dahkal khat manphatdan na thei nuom leh mi a ngaizongte toh kimu ding a ngaahete dong in.,
 - Second khat manphatdan na thei nuom leh accident dehtah a suohta te dong in.
 - Second Half manphatdan na thei nuom leh Olympic gam a kimawl a telte goal chance neite dong in.
-

PASTOR KHUTDAW TAANGTHU

Pastor Jeremiah Steepek ahileh, khutdaw tenna inn mumal zong neilou genthei tah a khosate bang in a kituom a, Pastor nna ava sepna ding biehinn lam azuon nal nal ta hi. Asepna ding Hattuomte member 10,000 val akikhawm jel uhi.

A sepna ding biehinn kim lah a aki vial leh leh a, mipi kikhawm dia hing kuonte ahing tam deudeua, tua mipi peikhawmte lah a mi 3 lel in chibai buuh kawm in, a Biehinn ua kai ding in ava vaidawn uhi. Biehinn a kikhawm dia hing kuon thate jung ah nehdingga bang ana ngen a, hinanleh, koima'n a ngaisah sih uhi. Atawpin biehinn sung a alut ta a touna kiguol masalam a tou asawmleh usherte'n anunglam ah atouna ding ana kawmu uhi. Mite'n kidah bawl leh musit thu in lamdang a sa mama ua, a en dimdem mai uhi.

A Pastor tha ding uh (khutdawpa) jong thumang tah in Usherte genbang in a nunnglam ah ava tou hi. Hattuom Upa khat in thupuon ahing nei a, amel jong akipah mel in aphur mama hi. A thupuonte lah a poimaw mama pen khu Pastor tha anei thu uh ahing phuongkhie a, mite'n kipah

in khut ana beng zuazua uhi. Upa in "Tu'n I Pastor tha, Pastor Jeremiah Steepek hing ding khia a, thugenna lam ahing naiphei ngal ding in ka ngen hi", achi tha in, ngai zosem in mipiten khut abeng dupdup mai ta uhi.

Khut behging dupdup kal ah, touna kiguolte nunnglam a papi genthei leh zawng tenna inn ding nasan neizoulou dia akoi uh leh a kidah bawl mama pa uh ahing ding khia a, pulpit lam ahing naiphei a, khutbeh gingte a sip hiei hiei zozen hi. Pulpi tung ah a kaltou a, Upa pa khut apat microphone ala a, mipi lam thawmte adai sipsip mai hi. Bible ahing phen a, tami thu ahing simkhia ta hi. "Tua hun chieng in, kumpi pa'n a tahlam a mite kung ah, ka ta teelte aw, hingpei unlen, khovel siemchil apan nou adia mun bawlsa hingluo un; ka gil akiel in neh ding na hing pia ua, ka dang tah in tui nahing pia ua,

mikhuol ka hi in na hing zintun ua, sagooh kahi in puon nahiing silsah ua, damlou a ka um in na hing veh ua, suongkul a ka um in na hing veh uh, achi ding. Amau in, Mangpa bangchi in la tami gilkiel a ka hing muh a neh ding kahing pia uh? Chi'n a dong ding uh. Tuachin kumpipa'n a kung uah, chi tahtah in ka hing hil ahi. Tami ka unau neupen mikhat tung a na bawl uh, ka tung a bawl nahi uh", chi'n adawng ding.

Tami Bible chang asimzaw in, mipite lam a en a, Biehinn kai dia kuonte lah a asiltuohte lungsim khoi mama in ahing gen a, athugen in mi tampi mittui aluongsah a, tampi akap ua, mi tampi zum in akun uhi. Aman agen zomzel a, "Tuni'n mipi tampi peikhawmte kahing mu a,

hinanleh, Jesu Khrist mel kamu sih. Khovel ah mihing itam a, Khristian zong itam mama ta hinanleh Jesu nungzui itawm taluo uhi. Jesu nungzui dingin na hing kipekhe thei sam ding uoi?" chi'n chielna abawl ngal hi.

Thu tamlou agenzaw in Pastor in athugen ding zou ahimei hi. Pastor pa thugen akipat in Hattuom in genthei taga leh Meithaite panpihna lam ah hun peisate sang in kalsang zawsemasuonta uhi. Tulai Hattuom te'n zong Pasian awlmaw leh veite i nawlkhet kha ding uh zauhuoi mama hi.

Tami Pastor pa tangthu apat in zilkhet ding tampi aum a, koipou simtu zousie Mangpa'n hing guolzawl tahan.

KIPAHPINA

Sepna Pensionta Upa M. Kamzadou of Zomi Colony, Churachandpur, Manipur.

Upa M. Kamzadou kum 1979 November in Govt. Service LDC ah sem pan a, kum 1986 in UDC ah Promotion in kum 2006 in Head Clerk ah Promotion a kum 2014 in Superintendent ah kaisangtou in tu in 28th February 2017 in damtah in Pension tahi. Asepana department pen Irrigation and Flood Control Govt. of Manipur ahi. Pasian in thupina tang taken!

S A B I L T U N G

-Mrs. Lianngainem

Ni danglai in Sabiltung teh Upa mama khat ana um a, ama pen ahun nukhia lam ahita ziehin gamsip a mi umlouna mun ah ahun nukhia zang dingin apeita. Min hoikhat ah amutah in khummun ah tomkhat a khawldam a ashita hi. Pasian tam sabiltung nou khu a en a tam Sabiltung pen kei a din a zahna ding aum sih achia tuachin gamsate angpei ua atahsa phe zousie ane zouta ua, Tam Sabiltung shi khu et in ameelse mama mai hi. Hinanleh Pasian in a zahna ding athei non sih hi. Khum in nite hing beizel in Gamsate ganhing zat tuomtuom atahsa phe neo nounou um sunte ahing nezou zelta ua, tun pen tam Sabiltung shi pen agu (bone) ngen aumta. Hinanleh Pasian in azatna ding athei naisih hi. Tuachiin ni leh ha hing liemzel in nisa'n tam Sabiltung gu akhokhahnate agaw kang siengta hi. Khum in Pasian in tun vang tam Sabiltung shi pen zangthei ding kahita achia tam hun ah Samson pen amelmate douna ah apeizel na a vanzat ding sui in ang pei lai in tam Sabiltung gu gosa nisa in zong akah vomsa pen ahing muta. Tam Sabiltung gu azahna ding um lou pen zangin mi sangkhat ahing that tahi. Tami pen laisiengthou vaihawmte 15:11-17 ah imu uhi. Unaute aw Pasian in khovel ah azahna ding umlou penpente zong silthupitah bawlina dingin azang/mang thei hi. Tam pen Pasian style ahi. Khumziehin unaute aw miten bangma lou in hing ngai nan ulehzong kiging in “Pasian in ahitheilou (impossible) sil bawl ding a ahing zat sawm ahi. Pasian nang khu hing sulamdang a, hing suhat a, nang bep hilou a mipil tamtahten zong a mang ua, zong amat phahlou uh sil loupitah bawl dinga hing dei ahi. Sabiltung tehta (old) shita gamsa ten aphezousie aneh beisa uh nisan kagaw nalai, mihingte ngaidan in aki chai kei hita. Azatna ding um non hetlou, kinepna ding zong um nonlou ahi nuo in tam hun ah Pasian a ding a zat thei hing hipan bep ahi. Tam gu gaw pen ahi. Samson

in Philistinete sangkhat thana a azah pen. Tam teng ban ah mihingte zong i hunhoi lai, i hatlai. I hoilai in pen eima lamkaai bawltheina aum laisie Pasian silbawltheina hing pawt theilou ding hi. Eima lamkaai a itheina zousie ang kichai chiengin Pasian in eima ah sil loupitah hing bawl zel ahi. Pasian a ding in eima ah sil loupitah hing bawl zel ahi. Pasian a dingin bangma akikhel aumsih. Bawl maw zong bangma aum sih.

Courtesy: Muonna Aksi Feb. 2017

DOHNA LEH DAWNNA

1. Adongtu Upa Rejoice Mangkhanlian New Zoveng
Gen. 1:26 isim leh Pasian in “eima” bang in mihing ibawl ding achia, eima achi khu koiteng a diei? Tualeh amau lah ah numei, pasal um adiei?

Dawnna: “Eima” kichi in Pasian a mi thum Pa toh, Tapa toh, Hagau siengthou akawh hi. Pasian khu Hagau ahia, numei pasal chi a um sesih hi.

2. Adongtu Upa Th. Kaikholam Central Church
Khangtanhoin Johan bung khatna a achilla thu um leh Pasian koi a Upa zou di uoi?

Dawnna: Akibang, Thu khu Pasian ahi.

3. Dongtu Upa Awncinkham Hiangmual
I Kor. 15:8 a Paul in a hunlou a pieng achi khu tahsalam pienna e, Hagau lam pienna?

Dawnna: Hagaulam pienna gen ahia, “A hunlou bang” chi in vang, a pientha dan kidangtah mai leh ama ah ama gitlou dan ngaisutna sillamdang tuomse a ngaina thu genna ahi. Pasian hepina jieh a hundam a aumtah mai khu, kidang asah dan ahi.

4. Dongtu Upa T. Haupau T. Munnuam

Sam lai a “Selah” chi khu bang ham e? Tualeh bang agenna e?

Dawnna: Thuhunlui pen Hebru ham a kigiel ahia, Hebru ham ma hi mai lou ding i, i labu a laa isah chienga asahkia (Chorus) ichi bang dan ahia, a gensate ngaisut kia dinga khawlna ahi. “Ngaisut nadi uah china bang in ngaisut le chi.

5. Dongtu Upa Kuulthang Singngat

Johan 14 bungsung isim leh Jesu’n kei hing mu khu pa mu ahia, achi khubangchi dan ade aw?

Dawnna: A nuoilam simsuh nalai lechin “Jesu’n kei pa ah ka um a, Pa keima ah aum” achi 8:30 ah Jesu’n “Kei leh ka pa khat (pumkhat) ka hi uh” achia, Jesu khu Pasian tapa ahia, mihingte lah a Pasian kilahna ahi. Jesu mu in Pasian amu a, Jesu gingtaten Pasian a gingta ua, pa kung tuntheina lampi khu Jesu ahi. Jesu mu a theite loungal in Pasian amutah tah sih hi.

6. Dongtu Upa T. Awnzalam Pallai/Sajik tampak

John 9:4 isim leh Jesu’n sun hun abei kuon ahita a, zan hun hing tung ding, chi thu ngen a, Rom 13:12 ah Paul in zan hun bei khielkhiel a, sun hun hingtung ding, chi agen a, bang zan hun bang sun hun adiei?

Dawnna: Jesu’n Mangpa nasep hun gen in sun hun, achia; Paul in Jesu hingpei kia ding hun ding gen in sun hun agen a, tuhun pen zan hun chi ahia, Jesu nasep thu agen a, Paul in Mangpa hingpeina ding toh kisai hun agen hi.

Dawngtu:

Cont. Editor.

HOMPATIK DAMDAWI

*P. Samson Chinkhanlal
New Lamka (G)*

Hompatik ten misou atham sah chieng un mi natna te baisamtah in athei jel uhi. Damdoi zilna lam thu ah, Govt. Medical Collage a zil pawl a um a ama un Pharmacy damdoi te jang in damloute a enkol thei uhi. Bawltawm Hompatik damdoi zil pawl a um a ama un hompatik damdoi jang in damloute a enkol jel uhi.

Hompatik damdoi khu damdoi teng lah a asang penpen ahat penpente ahi a doctor ten jong ajah ngam lou uh ahi. Hompatik ten damdoi chituoantuom ahel tawm uh abawltawm uh ahi a athei siemten hoilou dan a agen chiet uh ahi. Hompatik damdoite tuompei deu in Pharmacy damdoi te toh ki nekhom theilou Pharmacy a damdoi jalen tah a ilei a ineh idawn te khu Govt. Doctor siem tahtah ten siemnel tah a abawl uh ahi a, bawltuawm Hompatik damdoi te sang in ahoi jaw in amuong huoi jaw hi. Hompatik damdoi kituohpih a dampa kha te a ding in ahoi a hinanleh kituoh pi lou a adampi lou mi kimkhatte a ding in damtheina sesahtu leh natna kibehlapsahtu asuoh jawsop thei hi. Thei chet na din, Hompatik damdoi na natna chikhat phatuom deu nan leh damdoi ahat seng jieh a sung in joulou a sungna damna dia damdoi nekia sungna pen phatuom deu nanleh adang khat na kia chih um thei . Ajiehkhu damdoi hatseng ban ah bawltawm hoihlou ahi jieh ahi.

Sungna Pharmacy damdoi Rs. 150 man vel bei a damsieg ding hilechin Hompatik damdoi jang a mi enkol te na ki etkolsah leh Rs. 5000/6000 vel a tam jovel bei ding adamdoi uh nakituohpi sih leh damsieg dieh lou ding. Avaigei nua a nuopil suoh ding nuopil chih a umlou na ding in damlouna ituohchieng doctor te mah nai chiet lehai ahoi pen mai ding hi.

KHRISTIAN HINKHUO A KIPIEHNA PEN NICHIN KIPIEHNA AHI

- Rev. Dr. Dongzathawng

Kumtha nia khatvei kilat hieupen kumtop tan ngam thei mah lou hi. Promise Bible tang hoitah khat tel khiet pen kumtawp tan Bible phet nonlou a ngansie thei hilou hi. Israelte Pasian in MANA kichingtah in pe nanleh nichina luoh zing angai hi. Pilvang kisa leh mahni masielna ding toh luoh nan leh uh ana muot zelzel hi. Laa khat in “One day at a time” ana chi hi. Mang Jesun niikhat a ding a nikhat lungkham ahun toh hi ana chi ahi. Zing a ding a lungkham lou ding ahi. Khum zanni lam a na thungetna, na Bible simna Khristmas leh Kumtha a limtah a na lasah tunin ngansie thei non sih va teh. Nichin a ann na neh a tahsa damna leh hatna inei bang un nichin a hagau lam a kisuhhal zing kul in poimaw hi zanni a na thumna nuom mama nanleh na Bible sim sim nuom mama nanleh zong mi na vehna nuom mama nanleh zong tunin semthei nonlou ding nahi. Khum ziehin tuni a na lamzot, na khuolzin, kalsuonna ding na thautui, na tanghah, na Mana na galvan a gawm agen in na Grace a hun toh na diei? Pasian mi A.W. Tozer in vang nichin a Pasian umpina leh vehthana akinem zing a asui zing hi. “Let mi give a Personal testimony that I never anticipate a day without expecting the Presence of God” ana chi hi. En un hina mai zen e maw? Eiten vang khatvei bang tambang a vehthana khu itan ua leh van ah um bang khop in iki ngaisun zel ua, Aman vang tambang nichin a taan hi. Bangzieh ahi diei? A hinkhuo a deipen le ngaikhohopen ahizieh ahimal hi. Unau zanni hun abeita tuni hun a banga Khristian hina sawm e? Tunia na commitment bang ahiei? Na ki piehna dandan in Pasian umpina tang in zanni la hitalou, zingla hinailou tuni a dinga na neh khop ding MANA a baisa a um khu dingdoh in len vakiluoh in.

Courtesy: Muanna Ahsı Feb. 2017 issued

DIHTATNA MAN PIAH ANGAI, NA PE NGNAM NA DIEI!

- By Pastor Rawna Kopsiam

Unaute dihtat tah a igamtat chieng inn Pasian kipah a kipahman ahing pie ngal didng isa jel uhi, tuami ding hilou in en a man ipieh masat ding uh ana hi ahi. Dihtat jieh a sil tampi taan ngam ngai uh ahi. Dihtatna a kilamtha ding, I gam leh nam bbawl hoi ding ichi jieh ahileh igam dihtatlouna toh kilam tou in, i gam leh nam in sietlaw ichina ahi. Tami ipeidan uh heng isawm tahtah uleh ichan ngam ding, Mosi in muthei loupi a muzat a athuoh teitei bang a i maituo ding tampi um igenna ahi. Tuajieh in tam khovel a dihtat man khu kipahman sang in dihtatna jieh in nuasiet ding itanding tamjaw mai-thei ahi. Dihtatman pen dachienga dihtat tah a thukhenpa Mangpa'n Lallukhu hing khuhsah ding ahi. A vulpai ding paakhi awh sang in manpha zaw ding ahi.

Abel in asanggam pa Kaina kitheona sang a hoizaw kithoina a laan hi. Pasian in a sillat a pompieh a, ginna toh a sillat pen jieh in mi dihtat chi a tanglaw hi. Dihtat chi a phat ilaw thei sam na ding in masang lam a sang a dihtatzaw a kal isuon tou uh angnai hi. Ginna jieh in Enok in Pasian a kipahsah a minphat zong alaw ahi. Ginna panglou in Pasian lungtaisah thei ahisih hi. Tua ginna khu i dihtatna ua hing jilsah jel ahi jieh in, dihtatna foundation khu Ginna ahi.

Ginna nei a iginpa deina banga gamtat khu dihtatna ahi jel ahi. Abraham in a ginna in Pasian hatna jui in apeina lam ding zong theiloupi in gamchiem lam zuon in apei hi, a pawtsan gam lunggul kia hileh chu kilekia na ding hun lemtang mu mama ding ahi. Ginna jieh ma in ata Isak kithoina sillat ding in tha asawm a, shinangleh ahing kia ding chi a ginna anei jieh ahi. (Heb. 11:19). Jesu Khrist thumang a anuazui vai ichi leh eiten zong itan ngam ngai ma ahi.

Esau in U zaw hina ann kamkhat a akhoh ziehin hamphatna leh guolzawlna a atan ding tengteng ataan hi. A khonung in mittui kaijen in ngen nanleh U zaw guolzawlna leh hamphatna amu zou nawn tasih hi. Eiten jong cha-thak-naba jieh maimai a maw i dihtatna i taan mai ding uh....

Ginna in Mosi nu leh pan kumpi thupieh zong jau lou in Mosi humbit dingdan a ngaituo uhi. Gam leh nam chien na ding in khatvei vei thupieh umthei tham ahi. Mosi' nu leh pan kumpi thupieh zong jau lou in gam leh nam bitna ding in panla uh ahi. Kumpinu Esther in jong mite humbit na ding in hangsan tah in kal asuon chalchal mai hi. Ginna jieh in Mosi in Pharo tanu tapa a umsang in Pasian mite toh sugenthei a um atel zaw hi. Mut-yhei lou pa amu jieh in athuoh teitei hi. Eiten jong i hundampa Pasian deilam bang akalsuon ding in chan ngam bang inei tei sam de aw.

Ginn a mi hangsan tampiten thang-bawlna, nusatna, jepthuohna, khauhuol a henna, suonga sehna bang ana thuoh jel uhi. Suongkul a khum in a um ua, sihna tanpha nathuoh jel uhi. I gam leh nam a didng a ginna toh kal i suon lai in suongkul a khum i um khata uoi? Tuajiehin, tua zat a theipi mi meipi thupi tah in ahing kimkot ahilai in,k mihangsan tampite kengkhap zui in hing dalthei teng leh bailamtah a hing nuatolsah jel khelnate paikhia in, ginna kiptah toh dihtatna a kilam tha in kukal tah a kalsuon khawm angnai ahi. Tuabang hileh i Pasian uh jong North Easst Tribal mite Pasian chia kimin voh ding mai zumlou ding in gingtat ahuoi hi. Eiten i dihtatman pemaso phot lei anua chieng Pasian in i dihtatman uh leitung a zong athawn in hing koilou ding ahi chi itahlang uhi. Tuaban a tangtawn dai ding dihtatna Lallukhu hing khusah nalai ding hai.

Simtu jousie Mangpa'n hing guolzawl tahan... Amen...

ZPWF COLUMN

January 18 to February 22, 2017 tan a Tunnu Limbel Panpina pete

- | | | |
|--|-----|-------|
| 1. PWF Lailamveng | Rs. | 3,000 |
| 2. Ginchiin, Central Church | Rs. | 200 |
| 3. Upa M. Kamzadou, Zomi Colony | Rs. | 200 |
| 4. Nu Lamboi, Guzarat | Rs. | 3,300 |
| 5. PWF Zoumunnuaam | Rs. | 3,050 |
| 6. C. Vanlalruota, Delhi | Rs. | 2,000 |
| 7. Nu Dimneiching, Central Church | Rs. | 500 |
| 8. PWF Tuibuong | Rs. | 8,450 |
| 9. PWF Sugnu, Christmas gift | Rs. | 1,000 |
| 10. Nu Nianzachin, Tuibuang | Rs. | 500 |
| 11. 11th Synod Mission Conference, tuohkhawm | Rs. | 4,208 |
| 12. Nu Pauneikim, Zomi Colony | Rs. | 1,200 |
| 13. Nu Dimkhochiin, Zomi Colony | Rs. | 1,000 |
| 14. Pa M. Lunthang of Lunjang in Sakhi sa amal khat leh Aahpa
atal khat | | |
| 15. PYF Imphal te apat Alu Kg-20 | | |
| 16. PYF Delhi te apat | | |
| i. Dal Kg- 3 | | |
| ii. Alu Kg- 10 | | |
| iii. Bal Kg- 3 | | |
| Malta gaw pava khat, Annkamthau -Thol khat | | |
| 17. Nu Veineilam of Zomi Colony in naupang puonnah, toka, niih
Pcs. 25 | | |
| 18. PWF Zomi Colony te apat anntang Kg-74 & Rs. 460 | | |
| 19. Pa T. Khaizamang of Zomi Colony in bongsa Kg-2 | | |

** Petu zousie Mangpa'n hing guolzawl tahan.

PATRON MEMBER-TE

1. Upa Gouzamang	2. Pu Hav. Khamchinkhup	3. Pu Khamzalam	4. Pu Chinzasuan
5. Upa Liansuanpau	6. Pu Khamchinthang	7. Pu S.Dalthang	8. Upa Kapkhanthang
9. Upa Langginmang	10. Upa S. Nangkhanlal	11. Pu S. Lamkhothang	12. Upa Dr. M. Lachinkhai
13. Upa Khamchinjam	14. (L) Upa D.K.Manlun	15. Upa Suankhanmang	16. (L) Upa Khupgou
17. Upa Chinkham	18. Upa Ngulchinkham	19. (L) Rev. Retd. V.Vungzalian	20. Rev. Retd. Kamkhosoi
21. Rev. Tualzachin	22. Rev.(Rtd.) H. Nengzatun	23. Rev. Awnkhankhup	24. Rev. Hangpi Manlun
25. Pu Tuanzapau	26. (L) Rev. Ginchinjam	27. (L) Rev. Khamzasuan	28. Upa T. Lamkhothawng
29. Upa Khaichinmang	30. Rev. Chinzzathang	31. Pu Khupkhanmang	32. Pu Khaidollian
33. Hav. Khamzahang	34. Pi Vungzuanum	35. Pu T. Gouzadou	36. Pu Liensuonkap
37. Pi Zelkhochiin	38. Pi Hatkhanvung	39. (L) Pi Ngaihoiching	40. Pi Mankhannieng
41. Pu Goukhanmang	42. Pi Chingzalam	43. Pu S. Thianzakhai	44. Pi Kamkhanching
45. Pu Haukhanpau	46. Pu Tuallianmang	47. (L) Pu Dongkap	48. (L) Pi Chingkhanmang
49. Pi Donkhonian	50. Upa Henzakhup	51. (L) Pu Saichinpau	52. Pu Goumang
53. (L) Upa Khamkhanhang	54. Shie Laangkhanlal	55. Pu Khamkhanlun	56. Upa L. Tualkhanpau
57. Upa Jamsianmung	58. Upa Ginzadong	59. Pu Kaizathang	60. Pi Goizanuom
61. Pi Thangneivah	62. Pu Khamzathang	63. Pi Donchin	64. Upa Liankhanmang
65. Pu Hauchinlun	66. Pu T. S. Lal	67. Pi Goichiin	68. Pu T. Khupchinthang
69. Upa T. Kaizalam	70. Pu Paul Henkholal	71. (L) Pu Soikham	72. Rev. P.C. Manga
73. Rev. Khamchinkhai	74. Rev. Jamlianpau	75. Rev. Chinzapau	76. Rev. Retd. Kamkhozam
77. (L) Upa Chinpu	78. Pu Zamkhanthang	79. Pu Chinglen	80. Miss Chinhaunieng
81. Upa P. K. Soia	82. Pu Goukhai	83. Pi Niangkhanmang	84. Evan. Retd. G.L. Joshya
85. Pi S. Chingkhanmang	86. (L) Pu Vumchinkhup	87. Upa Khaihenthang	88. Upa T. C. Pau
89. Upa Nengchinkap	90. (L) Upa Jamkhongam	91. Upa HT Manga	92. Mrs. Vahkholhing
93. Pu Hauliankap	94. Pi Chinnu	95. Upa Ngulzakhai	96. (L)Upa T. Gougin
97. Pu Ginsuanhau	98. Pu L. Langminthang	99. Rev. David K.Samte	100.Upa T.S.K. Samte
101. Upa S.K. Khama	102. Pu Jamkhopao	103. Pu Thathang Taithul	104. Pu Kamkhankap
105. Bhim Prasad	106. Rev. M. Kapsuanthang	107. Nu Chingneikim	108. Rev. Khupkhansuan
109. Pi Mannuamching	110. Rev. Kaimuanlal	111. Upa Nengkhanlian	112. Nh. Deborah Zou
113. Pu T. Kuppa	114. Rev. Mangsuanthang	115. (L) Pu Lamchinhau	116. Upa Pauchinlel
117. Kimneihoi	118. Pu Kamgenpau	119. Nh. Nianguannuum	120. Nu Ngaihanvung
121. P. Sanjiv Zou	122. Upa M. Kaichinkham	123. Upa T. Sianchinpau	124. Upa Sianzahau
125. Pu L. Thenkhosoi	126. Pu Kamsuanhang	127. Upa Th. Kaikhola	128. Upa Lunchinthang
129. P. Tongthang Zou	130. H. Nehzamang	131. Thangsuanhup	132. Upa M. Kamzadou
133. Pu Jamkholian Munluo			

LIFE MEMBER-TE

01. (L) Upa T. Khupkhenpau	02. (L) Pu M. Ginzahau	03. Pu Selzapau
04. Pu L.C. Pautungnung	05. (L) Pi Khamkhannieng	06. Pi Ngainuom
07. Pu Chinsuanthang	08. Pu Shanti Kumar	09. Pu Kamkhothau
10. (L) Pu Khamkhothau	11. Upa Khamzathang	12. Upa Chinkhanthang
13. Pu Tongzathang	14. Pi Chiinneilam	15. Upa Kulthang
16. H/Sm. Upa Kaichinpau	17. Pi Niangzalam	



7a.

Edited and Published by the Editor on behalf of the Zou Presbyterian Church Synod

Undelivered
Please return to:

The Editor
KRISTIAN TANGKOU
ZPCS Office, Zomi Colony
Churachandpur - 795 128
P.O. Box - 48, Manipur, India
e-mail:zpcs@rediffmail.com/zousynod05@gmail.com
Synod Office Telephone No. (03874) 235105